


# Yesu na Ngai

**Baleson 5 po na bana oyo bazo' mona pasi**



**Mokomi : Mama Lorella Rouster**

**Mobaloli : Rev. N'gonker J. Komak**

**Ministères pour Chaque Enfant**

**[ecmafrica@ecmafrica.org](mailto:ecmafrica@ecmafrica.org)**

**Edition 2019**

# YESU NÁ NGAI—Ba leson 5 pona bana oyo Bazo'mona pasi

LESON 1- YESU AYEBI KOMBO NA NGAI. (HISTOIRE YA ZACHÉE).....	3
LESON 2—YESU AYEBI NINI NASALI.....	12
LESON 3—YESU ALINGI NGAI.....	19
Leson 4: YESU ALINGI KOLIMBISA NGAI.....	22
Leson 5: YESU ALINGI KOSALISA NGAI PO NALIMBISA BATO MOSUSU.....	27

## **BANZEMBO OYO EZALI KOTAMBOLA NZELA MOKO NA LESON OYO:**

(Nyonso ezali na mokanda “Banzembo ya Ecodim” ya MCE)

2 Korinto 5:17

Wana Yesu Aza na Ngai

Mokol'oyo

Mikumba Nyonso

Masumu na Ngai Ekei

Kimia ezali

Yesu Ayebi Kombo na Ngai

## **Tina Monene ya Leson Oyo Nyonso:**

BA LESON oyo ekobenda bana oyo bazali komona pasi mingi na bomoi na bango na koyeba ete kolanda Yesu, pe kofongola motema na bango na Yesu po Abikisa esika nyonso wapi bazoki na motema. Tosali yango na makanisi ya kosalisa bana oyo bakangami na bitumba to makambo mosusu ya mabe, oyo esali mabe na kati ya makambo ezali kobangisa bango. *(Leson nyonso ekozala ná tina na yango moko pe.)*

## **Ndenge nini Kosalela ba Leson Oyo:**

Tokmi BA LESON oyo na ndenge ete molakisi akoka kotanga ba point wana, moko-moko. Tango okolakisa activité oyo bana bakosala, molakisi akolakisa bango nini kosala pe kokamba bango kosala yango. BA LESON oyo ewuti na Bible. Ebongo, malamu otiya leson oyo ozali kotanga likolo ya Bible po bana basosola noki ete ezali malakisi ya Bible.

# **LESON 1- YESU AYEBI KOMBO NA NGAI. (HISTOIRE YA ZACHÉE)**

**Histoire oyo Ezwami na Bible:** Luka 19:1-10 ti Yoane 10:14

## **Kobongisa yambo ya Koteya:**

Soki makoki ezali, zala na papierpe ba crayola po bana ba dessiner. Moto oyo ayebi nzembo ya Zachée alakisa yo yango, to yoka yango na CD pe yekola yango.

Tanga pe yekola histoire na Bible na maloba oyo okosalela na koteya bana, pe tiya elembo na esika wana, po esalisa yo kofongola yango na Luka 19 na lombangu tango olingi koteya. Yekola verse oyo bana bakoyekola. Tala bafoto ya Yesu Mobateli Malamu pe ya Yesu na Bana. Sala pratique na bisika esengeli okamba partisipation ya bana—repetition rythmique pe bisika bakooyemba.

## **Tina ya Leson 1:**

Na suka ya leson oyo, tolingi mwana nyonso asosola ete Nzambe alingi bango mingi. Ndenge bazali kososola oyo ezali kososla ete Ayebi bakombo na bango. Bakoyeba pe ete Yesu akoki koyebisa bango ete soki basali mabe, ndenge nini kosala po ete nyonso ekoma lisusu malamumu:

## **Banzemb'oyo Ezali Kotambola Nzela Moko na Leson Oyo:**

YESU AYEBI KOMBO NA NGAI

Yesu alingi ngai

Ayebi kombo na ngai (yemba mbala mingi)

'Bongo ngai pe na lingi Ye!

ZACHÉE AZALAKI MUKUSE MINGI

Zachée azalaki mukuse mingi

Ayokaki soni

Ayokaki ete Yesu azali koya

Bongo abutaki na nzete

Kino tango Yesu ayako wana,

Atalaki na nzete

Pe Alobaki, "Zachée! Yaka kokita!"

Tokende na ndako na yo.

Tokende na ndako na yo.

**Verse ya Koyekola: Yoane 10:14-15**

*14 Ngai nazali mobokoli malamumu. Nayebi bameme na ngai pe yango eyebi ngai,*

*15 bobele ndenge Tata ayebi ngai pe ngai nayebi ye. Nakopesa bomoi na ngai po na bameme na ngai.*

*Molakisi, limbola ndimbola: Mobateli, bameme*

*Molakisi, teya bana verse na repetition rythmique, ná kobina.*

**Kobanda Leson:**

Boni, olingi koyoka kombo na yo? Ezali kosepelisa yo? Mbala mosusu mama na yo to ndeko na yo abengaka kombo na yo soki tango ya kolia ekoki. “Ntonga! Yoane! Kitoko!... yaka! Tango ya Kolia ekoki!” Ezali kosepelisa yo. Ezali malamumu soki oyoki moto azali kobenga kombo na yo ndenge wana. Bato mingi baling bakombo na bango, po ete kombo ezali kolakisa ete moto oyo azali nani. Tango ezali koyoka moto azali kobenga kombo na yo, oyebi ete azali koloba ná yo, Ye pe ayebi yo.

**Transition na Leson ya Bible:**

Na mwa-ndambu oyo tomoni na Bible, tozali komona lel’oyo, tomoni ete Yesu ayebaki kombo ya moto, pe Abengaki moto wana na kombo na ye. Kasi, ezalaki kaka mbala ya liboso oyo Yesu Amonanaki ye, pe ata moto moko te ayebisi Yesu kombo ya moto wana. Moto wana ezalaki “Zachée”, pe tomoni yango na mokanda ya Luka, mokapo 19. *(Molakisi, fongola Bible na yo kino osimba yango na loboko.)*

**Histoire ya Bible ya kotangela bana malembe-malembe:**

- Yesu azalaki kotambola, lokola atambolaka mbala mingi na bisika oyo Akendeki na misala na Ye, koteya bato malakisi malamumu, kobikisa bato ya maladi, kobimisa milimu mabe, pe, mbala na mbala, asekwisaki bato oyo bakufaki!

*(Bana: Basala bageste oyo ezali “kotambola” nzela maboko na yango.)*

- Ayaki na mboka monene na kombo ya Yeriko.

*(Bana baloba ete: “Yeriko!”)*

- Azalaki kotambola na Yeriko na nzela po na kokende na esika mosusu.

*(Bana: Lakisa na loboko ete bakoleka na esika oyo ezali kokende na esika mosusu.)*

- Na kati ya nzela Yeriko ezalaki na moto moko oyo amonaki ete komona bokonzi ya Nzambe ezalaki na motema mingi. Kombo na ye Zachée. Yesu nanu Amon Zachée te.

*(Bana baloba na maloba ya mawa: “Zachée—moto oyo azalaki komifandela mingi!” )*

- Zachée azalaki mozwi. Azalaki mozwi po atambwisaki bato oyo basimbaki paku oyo bato esengelaki bafuta na Mokonzi monene na nzela Rome.

*(Bana tuba na maloba ya mawa: “Mvwama ya bumoko!”)*

- Bato ya simbaka mpaku lokola Zachée, konso tango bo yibaka bato (*molakisi, songa luse ya mabe*). Balukaki ndenge nyonso na kobenda bato na kopesa bango mbongo koleka oyo l’Eta alobaki. Ebongo bango moko bazalaki kosimba ndambu ya mbongo wana. Zachée asalaki yango pe. Nabongo, Zachée akomaki mozwi mingi. Ayibaki bato mosusu na nzela ya tricherie. Ye moyibi!

*(Bana: Baningisa mutu pe baloba na ngaiko ya mawa, “Mozwi ya moyibi! Mozwi oyo amifandelaka!”)*

- Ata moto te alingaki bafutisi paku lokola Zachée. Zachée azalaki mozwi. Azalaki ná mbongo mingi, biloko ebele ya kitoko, kasi azalaki te na moninga ata moko te. Ata moto alingaki ye te. Azalaki komizalela ye moko koleka makasi.

*(Bana: Ningisa mitu ná mawa pe loba, “Zachée! Ata Moninga moko te! Moto ya komizalela!”)*

- Zachée ayoki ndenge Yesu ssalaki biloko ya malamu, biloko ya kokamwa. Tango oyokaki koyoka ete Yesu Azalaki koleka na nzela na ye, alingaki komona Ye.

*(Bana: Baloba na esengo mingi, “Na lingi na mona Yesu! Na lingi na mona Yesu!”)*

- Kasi, Makambo ezalaki ete bato mingi bazalaki kolanda Yesu, pe Zachée azalaki moto moko oyo azalaki Mokuse mingi. Bato ebele bazalaki kokanga ye Nsila. Amonaki kaka songe ya maboko na bango! (*Molakisi, lakisa songe ya loboko na yo, pe bana nyonso balanda yo.*) Makoki ezalaki te ete moto ya mokuse lokola Zachée akoka komona Yesu na kati ya bato mingi ndenge wana!

*(Bana, basala lokola bazali kopusa bato na komona Yesu, kasi kasi makoki ezalaki te, ezalaki ko-monana kaka te. Baloba, “ngai nalingi namona Yesu te! Nzali komona Yesu te”)*

- Kasi Zachée alingaki MINGI komona Yesu. Ayokaki lokola ESENGELAKI amona Yesu. Ebongo, akamataki mbangu koleka liboso ya bato na nzela. Ayebaki ete Yesu sengelaki aleka na nzela wana.

*(Bana: basala bageste lokola bazali kokima mbangu. baloba ete. "ESENGELI na mona Yesu! ESENGELI na mona Yesu!")*

- Amataki likolo ya nzete oyo babengaki Sycomore, na lolenge ete amona Yesu malamumu.

*(Bana: basala bageste lokola bazali komata likolo ya nzete.)*

- Elingaki kozala KITOKO kaka komona Yesu!
- Mbala mosusu Zachée amonaki ete Yesu azalaki na interet na ye te. Ye moto ya tricherie, ye moto Mofutisi Paku, ye moyibi, ye oyo ata moto alingaki te, ye oyo azalaki ata na moninga moko te, ye moto ya mokuse oyo akoki te komona Yesu kozanga komata na nzete!

*(Bana, bakitisa mitu na se, lokola bzali na mawa pe soni)*

- Ata ndenge wana nyonso, Elingaki kozala malamumu kaka komona Yesu! Zachée ayebaki ete Yesu azalaki moto moko special.

*(Bana, bayemba pe babina na rythme: "Moto moko special! Moto moko special!")*

- Zachée amataki likolo ya nzete, ebongo amonaki Yesu koya na nzela. Bato mingi baziungaki ye. Yesu ayaki pembeni. Musika te, Alingaki koleka na se ya Zachée, ebongo Alingaki kokende.

*(Bana: bamema loboko eleka pembeni na yango lisusu na lisusu, pe baloba na lisanga: "Yesu Ayaki, pe Ayaki, pe Ayaki.")*

- Kasi, tango Yesu Ayaki na se ya nzete ya Sycomore esika Zachée ezalaki, A TELEMAKI.

*(Bana: Babeta maboko mbala moko, pe baloba kaka na tango wana, "KATELEMAKI.")*

- Boni, okanisi ete Zachée azalaki na kobanga? Boni, okanisi ete azalaki na kobanga ete Yesu amona ye? Boni, akanisaki ete Yesu akogangela ye po amataki na nzete wana? Mbala mosusu azalaki na kobanga ete Yesu akotuna ye makambo ya mabe nyonso oyo asala. Mbala mosusu azalaki na kobanga ete Yesu ayebi deja makambo nyonso ya mabe. Mbala mosusu azalaki na kobanga ete Yesu akoyebisa bato mabe nyonso wana nyonso. Soki ekosalema bongo, Zachée alingaki koyoka soni mingi!

- Yesu talaka lokolo. (Molakisi, tala likolo, pe yebisa bana balanda yo.) Amonaki Zachée kuna—likolo ya nzete.
- Yesu abengaki ye, “Zachée! Sala noki! Yaka kokita! Lel’oyo esengeli nakende kolia na ndako na yo!”

*(Bana batala likolo pe baloba, “Zachée! Sala noki!”)*

- Nini? Boni, Zachée ayoki malamumu? Yesu abengaki ye—NA KOMBO NA YE! Kasi—ndenge nini Yesu ayebi kombo na ye?

*(Bana baloba na esengo: “Yesu ayebi kombo na ye!”)*

- “YESU AYEBI KOMBO NA NGAI! YESU AYEBI KOMBO NA NGAI!” Mbala mosusu Zachée akanisaki ndenge wana.

*(Bana baloba: “YESU AYEBI KOMBO NA NGAI! Yesu ayebi ngai!”)*

- Nabanzi ete ata moto moko te abengi Zachée na kombo na ye liboso ya Yesu. Bato koleka ebele babengaki ye “Mofutisi Paku” to “Moyibi” Bato koleka ebele balobaki yango ata na motema ya kofinga.

*(Bana baluba ete: “Moyibi! Moyibi!”)*

- Kasi Yesu! Yesu ayebi kombo na ye! Zachée amonaki lokola Yesu azalaki moninga. Ah, ayokaki yango malamumu kozala moninga! Oyo mbala ya liboso na ye kozala na moninga!
- Zachée azelaki te. Akitaki na nzete wana. Noki, azalaki kotelema liboso na Yesu.

*(Bana: basala bageste lokola bazali kokita na nzete na lombango nyonso, ebongo batelema liboso na Yesu.)*

- Zachée azwaki Yesu na esengo nyonso. Mbala mosusu asimlaki Yesu na maboko, pe Yesu asimlaki ye pe.
- Bato mosusu oyo bazalaki kolanda Yesu, basosolaki te pona nini Yesu ayambaki Zachée, moto ya masumu mingi, moto oyo apesaki bango pasi.

*(Bana baningisa mutu lokola bazali kososola te pe bazali kondima te.)*

- Yesu akokende na ndako ya Zachée? Ndenge nini Yesu akokaki kosolola pe kolia esika moko ná motooyo azalaki moto mabe lokola Zachée?

- Bato wana, basosolaki te ete biso NYONSO tozali bato ya masumu. Kaka Zachée te, kasi bango pe bazalaki bato na masumu. Bisu nyonso tosala makambo ya mabe oyo epesaki Nzambe esengo te. Bisu nyonso tobunga nzela.

*(Bana: Balakisa loboko na bato mosusu pe baloba ete, “Bisu nyonso tozali basumuki. Bisu nyonso tozali basumuki.”)*

- Bato wana, basosolaki te ete Yesu alingi ata baoyo basali masumu minene. Ayaki awa na mokili oyo kolakisa bolingo na Ye na bato ya masumu lokola Zachée, lokola yo, pe lokola ngai.

*(Bana bamisimba pe baloba, “Ayaki kolakisa bolingo na biso.”)*

- Yesu akendeki na ndako ya Zachée. Baliaki esikamoko. Yesu asololaki na Zachée lokola moto asololaka solula ná moninga na ye.
- Tango Zachée amonaki ete, ata Yesu ayebi Ye, Alingaki ye mosumuki, abongolaki motema na ye. Abandaki KOYA na Yesu. Po andimelaki, alingaki kosala makambo oyo ekolakisa ete abongolaki motema. Yesu apesaki ye motema moko ya sika!

*(Bana: Baloba na rythme: “Andimelaki Yesu. Yesu apesaki ye motema ya sika!”)*

- Ebongo, Zachée abandaki kokanisa bozwi na ye. Asosolaki ete akomaki mozwi po ayibaki bato, ata babola, ayibaki bango. Yango wana, akataki kozongisa mbongo nyonso oyo ayibaki. Akatakikopesa babola eteni ya ya mibale ya biloko na ye. *(Molakisi tiya mabende ya mbongo zomi likolo ya mesa. Kabola yango na bandambu, ebongo pesa demi na yango na bana ya classe oyo bazali babola.)*

*(Bana, basala bageste lokola bozali kopesa mbongo na babola.)*

- Zachée akanisaki ndambu ya bato oyo ayibaki. Azalaki kokosa po na koyiba bango. Kasi, sik’oyo, motema na ye abongwani to echangé. Alobaki ete nalingi kozongisela bato wana MBALA MINEI oyo nayibaki bango. Soki ayibaki lokasa moko ya 500 Fc, azwaki mokano ya kozongisa yango mbala minei, lokola maka minei ya 500 Fc = 2000 Fc. Ah! yasolo, motema na ye echangé po ayambi Yesu! *(Molakisi, zwa mayi minei ya 500 Fc oyo etikali. Kenda na mwana oyo azwaki mbongo te. loba ete, “Pardon mingi po nayibi te. Nayibaki lokasa moko ya 500 Fc na yo. Awa nalingi kozongisa makasa ya 500 Fc Minei. Nakomi molandi ya Yesu, ebongo nalingi lisusu te koyiba.” Pesa bakasa 4 na mwana wana.)*
- Yesu Amonaki etenge Zachée abongolaki motema na ye. Alobaki ete, “Lel’oyo lobiko ekoti na ndako oyo.” Motema ya Zachée echangé. Sik’oyo, andimeli Yesu. Abikisami! Nzambe alimbisi ye! Zachée akomi mwana Nzambe!



*(Bana, babeta maboko pe bayemba ete, “Lobiko ekoti na ndako oyo! Zachée andimeli Yesu! O yea!”)*

- Makamb’oyo nyonso ebandaki po Yesu ayebi kombo ya Zachée.

*(Bana bayemba ete, “Yesu ayebi kombo na ye, Yesu ayebi kombo na ye.”)*

- Kasi, oyo eleki malam, YESU AYEBI KOMBO NA NGAI, pe! Yesu ayebi kombo na yo, pe!

*(Bana bayemba, “YESU AYEBI KOMBO NA NGAI! YESU AYEBI KOMBO NA NGAI!”)*

#### **TUNA BANA LOKOLA BOYE:**

- Zachée azalaki moto ya ndenge nini?

*(Moto ya mokuse, moto oyo azwaki paku po na Mokonzi monene na nzela ya Rome, moyibi, moto na lokuta, moto oyo azalaki komifandela, etc.)*

- Zachée abikaki wapi?

*(Na nzela Yeriko)*

- Keti Zachée azalaki na baninga mingi?

*(Bongo te. Azalaki moto moko oyo azalaki komifandela. Bato balingaki ye te po ayibaki bango.)*

- Bona nini Zachée amataki na nzete ya Sikamore?

*(Komona Yesu po AZALAKI MUKUSE)*

- Yesu Ayebi nini pona Zachée?

*(Yesu ayebi kombo na ye. Abengaki Zachée na kombo na ye.)*

- Yesu akendeki wapi ná Zachée?

*(Na nzo na ye Zachée)*

- Zachée asalaki nini na kolakisa ete ya solo abongoli motema?

*(Yandi vutulaka yina ya yandi me yiba, ti yandi sadisaka basukami.)*

- Boni, Yesu ayebi kombo na yo pe?

*(Ee, ayebi kombo na ngai.)*

#### **KOBENGA BABUNGI NA YESU:**

- Yesu ayebi kombo na yo, pe. Ata mbala mosusu nayebi kombo na yo nanu te, Yesu ayebi yo deja.
- Yesu ayebi makambo nyonso po na yo. Ayebi ayebi nini osali. Ayebi masumu na yo nyonso.
- Yesu ayebi motema na yo. Ayoki maloba oyo olobi. Mingi mingi, Azali komona mabe, kasi ata ndenge wana, Alingi yo mingi. Alingi koya na ndako na yo. Alingi kokoma moninga na yo, pe yo moninga na Ye.
- Tango mosusu ozali na baninga mingi mosusu. Mbala mosusu ozali na ata moninga moko te. Yesu Azali Moninga na yo.
- Mbala mosusu osala makambo ya soni. Omoni lokola okoma moto moko ya pamba. Kanisa ete, tango Zachée andimelaki Yesu, Yesu Alimbisaki ye na makambo nyonso oyo ya mabe, ya soni oyo Asali.
- Yesu Abengi yo lel’oyo. Boni, okoloba “Ee” na Ye sik’oyo? Boni, otie motema na Ye?
- Soki nanu otie motema na Yesu nanu te, kasi lel’oyo olingi koloba “Ee” na Yei, sik’oyo okoki kobenga ye na motema na yo. Kaka yebisa ye ete osali mabe. Ayebi yango deja, kasi Alingi ete ondima yango na munoko na yo. Ebongo, benga Ye kokota na motema pe na bomoi na yo. Alaki ete Akokota, pe Akolimbisa masumu na yo nyonso. Akopesa yo bomoi ya sika.

### **Yemba nzembo oyo:**

MIKUMBA NYONSO ELONGWE

MIKUMBA NYONSO ELONGWE

Olongwe, alongwe

MIKUMBA NYONSO ELONGWE

Soki Yesu aye! Ah! (Yemba lisusu)

### **Devoir Pona Bakristu:**

- Tango Zachée andimelaki Yesu, Yesu Ayebisaki ye ndenge nini akokaki kobanda kotonga bomoi na ye ya sika. Tango Yesu ayebisaki ye makamb’oyo, Zachée asepelaki kosala lokola Yesu ayebisi ye. Ebongo azongisaki nyonso oyo ayibaki na bato. Mukumba monene elongwe tango asalaki yango!
- Tango otie motema na Yesu, Alimbisi yo. Apesi yo motema ya sika, Motema kitoko. Sik’oyo, Akoyebisa yo na motema nini okiki kosala pona kobanda bomoi ya sika.

- Boni, olingi kosenga Yesu alakisa yo nini kosala? Senga Atiya na makanisi to na motema na yo ndenge nini okoki koyebisa ete obongoli motema.

*(Molakisi, Soki papier ezali, bana bakoki ko dessiner nini Yesu ayebisi bango kosala. Soki bana bakoki kokoma, bakoma nanu kombo na papier. Tango bazali ko dessiner, senga bango kolimbolela yo nini bazali kosala. Tala malamumu komona soki ba photo bazali kosala ezali kolakisa ete bazali na bosenga ya losambo to ya conseil special.)*

**Yemba nzembo oyo:**

### **ZACHÉE AZALAKI MUKUSE MINGI**

Zachée AZALAKI MUKUSE mingi

Ayokaki Soni

Ayokaki ete Yesu Azali koya

Bongo amataki na nzete

Kino Yesu ayaki kuna,

Atalaki na nzete

Pe alobaki, "Zachée! Yaka kokita!"

Tokenda na ndako na yo.

Tokenda na ndako na yo.

Tokolia na ndako na yo.

Tokolia na ndako na yo.



## **LESON 2—YESU AYEBI NINI NASALI**

**Histoire:** Yesu asololaki na mwasi ya ndumba na liziba ya Samarie.

**Histoire oyo ezwami na:** Yoane 4:1-30, Banzembo 69:5

**Kosala yambo ya Koteya:**

Tanga histoire na Bible, Yoane mokapo 4. Tiya elembo na esika wana na Bible po omona yango na lombangu. Tala malamumu kombo ya nzela ya kotanga okoteya. Pratique ya ndenge bana bako participer na banzembo.

**Tina ya Leson yai:**

Na suka ya leson oyo, bana bakososola ete Yesu ayebi makambo nyonso oyo basalaka, ata ya malamumu, ata ya mabe, pe Alingi kolimbisa masumu na bango. Ebongo bakoya na Ye po alimbisa bango.

**Kobanda Leson:**

- Mwasi moko na Bible azalaki na likambo moko ya soni na bomoi na ye.
- Asali makambo ya soni, makambo oyo ekoki te na miso na Nzambe. Ayokaki Soni na motema, po asosoli ete asali masumu.
- Mwasi oyo alingaki te ete bato bayeba makambo na ye.
- Boni, bolingi koyoka histoire na ye?

**Koteya Leson ya Bible:**

*(Molakisi, fongola Bible na Yoane mokapo 4. Tika yango ya kofongwama pe tiya leson nyonso na kati na yango.)*

- Mokolo moko, Yesu azalaki kotambola. Azalaki na bosenga ya koleka na nzela ya Samarie.  
(Bana: Basala bageste ná maboko na bango lokola bazali kotambola.)
- Ysu azalaki Muyuda, tokoki kobenga ye Juif. Ba juif to Bayuda, bazalaki kolinga bato ya Samarie te. Balingaki te kotambola na mokili ya Samarie. Bamonaki ete esengelaki baleka na mopanzi, balingaki te kopesa ata mbote ya pamba na bato ya Samarie.  
(Bana: Bana batiya loboko moko likolo ya bureau. Na maloba ya mabe baloba ete, “Samarie yang’oyo.” Na loboko mosusu, basala cercle monene nzinga nzinga ya Samarie. Na maloba moko ya mabe baloba ete, “Nakosolula TE ná bato ya Samarie.”

- Oyo ezalaki ndenge bato mosusu basalaki. Kasi Yesu asalaki ndenge wana te! Amonaki ete ESENGELAKI Akende na Samarie. Ayebaki ete kuna ezalaki ná moto moko oyo azalaki na bosenga na ye.
- Yesu Ayaki na nzela na Samarie na kombo ya Sychar. Samarie ezalaki district lokola (molakisi, pesa kombo ya district ya esika ozali), pe Sychar ezalaki nzela lokola (molakisi, pesa kombo ya nzela ya esika ozali.)
- Pembeni na nzela ya Sychar ezalaki na liziba esika bato bayaki kotoka mayi.
- Yesu azalaki ya kolemba, po atambolaki tango mingi, pene ya ba heure 6. Soki abandaki na tongo nyonso, ekozala na bangonga ya midi.  
(Bana: baloba ete, “Alembi, Alembi” pe balakisa bageste oyo elakisi ete balembi.)
- Yesu azalaki pembeni ya liziba po na kopema. (Molakisi, fanda likolo ya mesa to kiti.) Bayekoli na ye bakendeki na nzela po na kosomba bilei, kasi Yesu atikalaki na esika wana po na.  
(Bana: Baloba na rythme to bayemba: “Yesu apemaki na mabele.”)
- Oyo ezali te tango oyo bato mingi bayaka kozwa mayi. Kasi tala! Mwasi azalaki koya. Mwasi ya Samarie. Ayaki kozwa mayi.  
(Bana: Balobana bango na bango ete, “Pona nini mwasi oyo azali koya sik’oyo?”)
- Tango mwasi wana Ayaki na liziba, Yesu asengaki mwasi wana apesa Ye mayi ya komela.  
(Bana balobana bango na bango ete: “Pesa ngai mayi ya komela!”)
- Mwasi azalaki surprise. Amonaki ete Yesu azalaki Juif. Amonaki ete Azalaki moto ya Samarie. “Ndenge nini ozali kosenga ngai mayi ya komela?” atunaki. Mbala mingi, bato oyo Ba Juif balingi te kosolula ná biso bato ya Samarie. Ata kutu kopesa biso mbote, balingaka te.”  
(Bana: Na maloba lokola oyo ezali shocke, loba ete, “Alobaki na ngai! Mu Juif alobaki na ngai!”)
- Yesu alingaki kosalisa mwasi wana. Bongo alobaki ete, “Soki oyebaka makabo na Nzambe, soki oyebaka nani oyo azali kosolula na yo, **olingaki kosenga ye** mayi ya komela, bongo Alingaki kopesa yo MAYI YA BOMOI.”  
(Bana baloba ete, “Soki oyebaka nani oyo azali kosolula na ngai ? Maloba nini oyo? Azali NANI?”)
- Mwasi wana asosolaki te. “Molakisi,” alobaki, “ozali ná eloko ya kotoka mayi te, pe liziba ezali mozindo. Okozwa mayi ya bomoi wapi?”

- “Liziba oyo, ezalaki ya kulutu na biso Joseph oyo atimolaki yango,” ye alobaki. “Boni, oleki ye na mo nene?”

(Bana: “Yesu, Boni, oleki kulutu na biso Jacob?”)

- Yesu atalaki mwasi wana. Alobelaki ye ete, “Moto nyonso akomela mayi ya liziba oyo, akoyoka lisusu posa ya mayi. Kasi, moto nyonso akomela mayi ya liziba oyo nakopesa, akoyoka lisusu posa ya mayi te. Mayi wana ekozala na kati na ye, ekozala lokola liziba ya mayi na kati na ye, oyo okopesa ye mayi ya mbula na mbula.”

(Bana: baloba ete, “Mayi ya mbula na mbula.”)

- Nini? ezalaki lisusu te? Likambo moko ya esengo! Likambu moko ya esengo MINGI! Mwasi wana azalaki na posa ya mingi, kaka na munoko te, kasi na motema na ye nyonso.

(Bana: loba ete, “Zala na posa lisusu te? Esengo MINGI!”)

- Mwasi alobaki na Yesu ete, “Nkolo, pesa ngai mayi wana! Nalingi lisusu te kozala na posa!”

(Bana baloba to bayemba: “Pesa ngai mayi yango! Pesa ngai mayi yango!”)

- Mwasi ya Samarie ayokaki posa ya bomoi. Ebongo Yesu ayebaki ete tango ekoki koyebisa ye etde ayeba secret na ye—secret oyo epesaki ye soni.)

- Yesu alobaki ete, “Kende! Benga mobali na yo, aya.”

(Bana baloba to bayemba: “Kende kobenga mobali na yo, aya.”)

- Tango Yesu alobaki bongo, mwasi ayebaki ete Yesu ayebi secret na ye, mabe na ye. atiaki mutu na mokili na soni. Tina te kokosa Yesu. Andimaki ete, “Ngai....Ngai nazali na mobali te.”

(Bana Baloba to bayemba ete, “Yesu ayebi makambo na ye. Yesu ayebi makambo nyonso na ye.”)

- Yesu azongosaki ete, “Olobi malamumu. Ozali na mobali te.” Ndenge nini Ayebaki? Boni, Ayebaki pe ete azalaki kobika ná mobali oyo azalaki mobali ya makwela te? Boni, Ayebaki ete azalaki mwasi ya ndumba? Boni, Ayebaki ete asalaki ekobo? Kasi ndenge nini Yesu akokaki koyeba makambo wana nyonso? Yesu ayebi ye te.

(Bana baloba to bayemba ete, “Secret na ye na soni: Azalaki kobika na kindumba.”)

- Yesu alobelaki ye ete, “Ofanda na mibali MITANO, (Molakisi, lakisa misapi mitano ya loboko). Motu ya mwasi wana ekweyaki. Yesu ayebi mabe na ye nyonso, soni na ye nyonso. Azalaki Bosembo te na makwela to libala na ye.

(Bana baloba pe kolakisa na misapi, “Mibali: 1,2,3,4,5 “

- Bato nyonso bayebaki soni na ye. Oyo ezalakiraison aye na liziba na tango oyo bato mosusu bazali koya te. Bongo, Akanisaki ete akokuta moto te.  
(Bana baningisa mutu pe baloba na mawa ete, “Bato nyonso bayebaki soni na ye. Yesu ayebi soni na ye.”)
- Amonaki te ndenge bato batala ye—lokola azalaki mbindo.  
(Bana baloba ete: “Mbindo. Soni. Mbindo. Soni.”)
- Pe Yesu ayebi makambo wana nyonso. Ndenge nini Yesu ayebi oyo asalaki?  
(Bana batunana bango na bango etde, “Ndenge nini Yesu ayebi oyo asalaki?”)
- Kasi Yesu azalaki koloba lisusu. “Ee, ezala mobali oyo ozali na ye sik’oyo, azali mobali na yo te. Olobi likambo wana malamumu.”  
(Bana baloba na rythme to ba yemba: “Yesu ayebi mabe na ye nyonso. Yesu ayebi mabe na ye nyonso.”)
- Nini? Yesu ayebi ete ata sik’oyo, azalaki kobika kaka na masumu? Ayokaki Soni, mingi!  
(Molakisi, bana bakitisa mitu lokola na soni.”)
- Alingaki kobomba mabe na ye, kasi Yesu ayebi yango nyonso.  
(Bana baloba na rythme to bayemba: “Yesu ayebi mabe na ye nyonso.”)
- Kasi, ndenge Yesu asolulaki ná ye—ezalaki te lokola amonaki ye mbindo. Ezalaki lokola Yesu alingi ye! Ndenge nini?  
(Bana baloba na rythme to bayemba: “Kasi, Yesu alingaki ye! Yesu alingaki ye! Ndenge nini? Ndenge nini? Yesu alingaki ye!”)
- Mwasi ya Samarie abandi kososola ete Yesu azalaki special mingi. Alobaki ete, “Nkolo, nasosoli ete esengeli ozala Mosakoli na Nzambe.” Mwasi asosolaki ete Yesu ayebi makambo na ye nyonso. Alingaki kosolula makambo mosusu po bakoba te kosolula kaka mabe nyonso oyo asalaki.  
(Bana baloba na rythme ete, “Solola makambo mosusu, kasi mabe na ngai te, Solula makambo mosusu, mabe na ngai te.”)
- Uummm, kotuna Yesu nini? Mbala mosusu kotuna Ye makambo ya religion.  
(Bana: Batunana bango na bango: Tuna Yesu nini? Kotuna Yesu nini?)
- Mwasi alobaki ete, “Bakulutu na biso basambelaki Nzambe likolo na ngomba oyo. Kasi Ba Juif balobaka ete esengeli tosambela na nzela na Yerusalem. Yo—Olobi ete tosambela Nzambe wapi?” Mutuna wana esengeli ebenda YesuAzali kosolula makambo mosusu—mabe na ye lisusu te!

- Yesu azongosaki ete, “Mwasi, ndimela ngai, tango ezali koya pe ekomi sik’oyo, ete bato bakosambela Nzambe ya solo, bakosambela Tata Nzambe na Molimo pe na Solo. Tata azali koluka bato basambela ndenge wana—na Solo nyonso.”

(Bana bayemba bango na bango:) “Esik’oyo to esika wana—Sambela Nzambe na Solo nyonso.”

- Yesu akobaki koloba, “Nzambe Azali Molimo. Basambeli na ye, esengeli basambela ye na Molimo pe na Solo.” Ai –yai! Yesu azongi na ba secret na ye! Ayebaki malamau ete asambelaka Nzambe na Molimo pe na Solo te, ndenge Yesu alobaki. Kasi mbala mosusu ski atuni Yesu lisusu makambo ya religion, Yesu Akoloba lisusu te likolo na mabe na ye.
- Mwasi alobaki ete, “Nayebi ete mokolo moko, Messie esengeli aya, Mobikisa na Nzambe alakaki wuta kala. Tango Akoya, Akolakisa biso makambo nyonso.” Emonani ete mwasi amonaki lokola koya ya Messie ezalaki makambo moko ya kala.

(Bana bayemba: Messie esengeli aya, Messie esengeli aya.”

- Ee! Ee! Mwasi, okanisi malamau. Koba makanisi oyo. Kanisa likamb’oyo Messie esengeli Aya!
- Yesu atalaki mwasi wana pe alobelaki ye, “Na zali kosolula na yo, Ngai Ye oyo. Nazali Messie oyo esengelaki aya.”

(Bana bayemba: “Yesu azali Messie--Messie oyo esengeli aya!” (Repeter.)

- Tango wana, bayekoli na Yesu bayaki kozonga na bilei. Bakamwaki komona YesuAzali kosolula ná mwasi ya Samarie, kasi bamonaki te ndenge Azalaki kotuna ye makambo wana.
- Tango wana, mwasi asosolaki koloba ya Yesu. Ai-yai! Azalaki kosolula na Messie, oyo Azali Mobikisa ya bato nyonso bazelaka bambula na bambula! Azalaki kosolula na Moto oyo akoki kolongola masumu na ye nyonso! Asosolaki ete masumu na ye ezalaki mingi pe ezalaki soni, pe Azalaki kosolula na Moto moko kaka oyo Akokaki kolimbisa ye!

(Bana: Bayemba, “Nini ekoki kosokola? Bobele makila na Nkolo Yesu!”

- Na esengo nyonso, mwasi abosanaki mayi na ye. Akamataki mbangu pe azongaki na nzela.
- Alobaki na bato nyonso, “Boya! komona moto oyo ayebisi ngai makambo nyonso oyo na sala na bomoi na ngai! Boni, Akozala te Messie-Mobikisa oyo tozali kozela?

(Bana bayemba: “Ayebisaki bato nyonso ete Messia ayé.”

- Yango wana, bato mingi na nzela Sychar bayaki na Yesu po mwasi ayebisaki bango ete, “Ayebisi ngai makambo nyonso oyo nasala.”



(Bana: Mwasi andimelaki Yesu, ná bato mingi, pe.)

### **Tuna Bana Lokola Boye:**

- Pona nini Yesu Akendeki na mokili ya Samarie?  
(Po mwasi moko azalaki kuna na bosenga ya lisungi na ye.)
- Pona nini Ba Juif basolulaka te ná bato ya Samarie?  
(Balingaki bango te.)
- Yesu alingaki kopesa mwasi wana nini?  
(Mayi ya bomoi)
- Mwasi wana ayebisaki nini na bato na nzela?  
(Boya komona moto oyo ayebisi ngai nyonso oyo nasala.)
- Na suka ya masolula na bango, mwasi wana asosolaki ete Yesu azalaki nani?  
(Messie-Mobikisi oyo esengelaki aya.)
- Ndenge nini Yesu ayebi makambu ya mwasi wana?  
(Azali Nzambe. Ayebaki makambo nyonso.)
- Yesu Ayebi nin po na yo pe?  
(Ayebi kombo na yo, pe Ayebi nyonso oyo osala—malamu to pe mabe.)

### **Kobenga Babungi na Yesu:**

- Yesu ayebi makambo nyonso oyo osala, pe. Ayebi makambo ya malamumu oyo osala, pe Ayebi makambo ya soni osala. Ayebi makambo oyo olingi kobosana, makamb'oyo olingi kotika, makambo ya kobombana. Ayebi nyonso.
- Yesu ayebi masumu ya mwasi ya Samarie, kasi boni, Asambisaki ye?
- Bongo te. Alingaki kopesa ye mayi na bomoi po azali lisusu na posa te. Ayebisaki mwasi wana ete Azalaki Mobikisi, Moto oyo moko kaka Akokaki kolimbisa ye.
- Ndenge moko, Yesu ayebi pe makambo nyonso oyo osala. Ayebi masumu na yo nyonso. Kasi, Azali kosambisa yo te, kasi Alingi kopesa yo mayi na bomoi. Amipesaki po na yo.
- Yesu Alingi kozala Mobikisi na yo. Alingaki kolimbisa masumu na yo. Alingaki kosokola yo, kolongola soni na yo nyonso. Alingi kopesa yo motema na sika pe bomoi ya sika.
- Soki oyambi Yesu Kristunanu te lokola Mobikisi na yo, okoki koyamba ye lel'oyo. Boni, olingi kokende na esika na biso ya losambo lel'oyo? Boni, obongami koloba "Ee" na Yesu Kristu?

### **Devoir Pona Bakristu:**

Soki oyambi Yesu, kasi tii sik'oyo, ozali kaka kokanisa makambo ya soni oyo osala, kaka yebisa Yesu pe senga lisungi na ye. Deja Alimbisi yo. Senga Ye asokola memoire na yo. Lel'oyo, na memeli yo baisé oyo ewuti na Yesu. Soki olingi Asimba yo pe asokola memoire na yo, telama sik'oyo. Yaka awa pe na kosimba yo. (Molakisi, soki bana bayé, simba bango na esengo. Yebisa mwana na mwana oyo aye ete Nzambe alingi ye. Tiya bango nyonso na losambo, kosenga ete Yesu asokola memoire na bango pe atondisa bango lisusu na memoire ya esengo.)

Sik'oyo, lokola Yesu Alimbisi yo, Alingaka yo pe olimbisa bato mosusu. Boni, oyebi moto apesaka yo pasi? Boni, okolimbisa ye na kombo na Yesu? *(Molakisi, kamba bango na losambo ete balimbisa bandeko mosusu.)*

*Molakisi, pesa bana papier ná ba crayolla pe pesa bango encouragement na ko dessiner Yesu kosimba bango na bolingo, pe balimbisa moto mosusu. Luka lisungi ya Molimo na Nzambe tango ozali kosolula po ba dessin oyo bana basali. Senga Nzambe alakisa yo bana oyo bakoki kozala na bosenga ya losambo special.*

### **Verse ya Koyekola:**

*Banzembo 69:6*

*“Kasi Yo Nzambe oyebi buzoba na ngai ; mae na ngai ezali kobombana té na miso na yo..”*

### **Banzemb'oyo Ezali Kotambola Nzela Moko na Leson Oyo:**

YESU AYEBI MABE NA NGAI

YESU AYEBI MABE NA NGAI

Alingaki kolimbisa!

YESU APESAKI MAYI

Yesu apesaki ye mayi

Oyo ewuti na mokili oyo te (2x)

Abimaki na loyembo

Azongaki komema

Bato mosusu bamona

Yesu Messie. Yesu Messie

Yesu ayebi nyonso

Alakaki (2x)

Ayebaki soni na ye  
Kati na motema na ye  
Yesu akolimbisa ye  
Soki andimeli.  
Soki andimeli.  
Soki andimeli.

---

---

## **LESON 3—YESU ALINGI NGAI.**

Yesu sakumuna bana, Matayo 19:13-15, Romans 5:8

### **Tina ya Leson:**

Na suka ya leson oyo, mwana nyonso akososola na motema ete Yesu alingi ye, pe Yesu alingi kozwa ye na libota na ye. Bakomona Yesu lokola Moninga na bango, ebongo bakolinga kozala moninga na Yesu, pe.

### **Kobanda Leson:**

- Na motema na ye nyonso, Sami alingaki oncle na kutala ye na lisu ya malamumu.
- Oncle wana, azalaki moko ya bakulutu ya Mboka.
- Bato bamonaki oncle lokola mobali monene, ya tina. Bato mingi balukaki mayele pe lisungi na ye.
- Sami alingaki ete oncle ye pe ayoka.
- Abengaki, “Oncle! Oncle! Oncle!”
- “Eyano, Sami!” Oncle azongisaki. “Nazali na tango te sik’oyo.”
- Na pokwa, Sami amekaki lisusu. Abendaki na elamba ya Oncle.
- “Omoni te ete nazali occupé?” Oncle alobaki. “Longwa.”
- Sami amekaki lisusu na lisusu, kasi amonaki te ndenge ya kosolula ná Oncle na yé. Tango nyonso, Oncle azalaki kaka occupé. Amonaki tango te ya kosolula ná mwana lokola Sami.

### **Koteya Leson ya Bible:**

- Moto moko azali, moto moko monene pe Mokonzi, oyo amonaki mutuya mingi ya bana. Azwaki tango ya koyamba bango. Ata mbala moko te moto oyo alobaki ete akoki kozwa te tango ya kosolula ná bana.
- Moto oyo ezalaki Yesu Kristu. Mokolo moko, Yesu azalaki koteya bato. Bato mingi bazalaki kolanda Ye. Azalaki molakisi moko monene. Azalaki na malakisi mingi ya tina ya kopesa na bato.
- Tango Yesu azalaki koteya, baboti oyo bamemaki bana mike na bango na Yesu. Balingaki Yesu atia bango maboko, pe Apambola bango, pe kosambela bango Nzambe.
- Bayekoli na Yesu bandimaki te. Mbala mosusu bamonaki lokola ete Yesu azalaki Molakisi monene pe ya mutuya, Akokaki te kosolula ná bana mike.
- Ebongo, babandaki kogangela baboti wana. Mbala mosusu balobaki boye: “Kende Longwa! Bana nyonso balongwa! Ndenge nini bokoki komema bana mike lokola oyo na Yesu? Beno bozali kososola te monene na Yesu?”
- Yesu amonaki makambo wana. Amonaki ete bayekoli balingaki kobengana bana. Yesu andimaki te ndenge bazalaki kosala to maloba bazalaki koloba.
- “Bongo te!” Yesu alobaki. “Tika bana mike baya na Ngai. Bakonga bango te. Bokonzi na Nzambe ekoki po na bana mike lokola bango.”
- Alobaki bongo po bana bayambaki Yesu na esengo nyonso. Bazalaki mbango na kondimela Ye. Ee, oyo ezali ndenge bato nyonso bakotaka na famille na Nzambe, bokonzi na Nzambe—kaka koyamba pe kondima Yesu lokola bana oyo basalaki.
- Ebongo, Yesu atiaki bana wana maboko. Asambelaki bongo Nzambe. Apambolaki bango.
- Alakisaki ete Alingaki bango mingi.
- Yesu alingi YO, pe. Ata moto mosusu akanisi te ete ozali tina, Yesu Azali komona yo tina. Alingi yo, pe Alingaki koyamba yo lokola mwana na ye.

### **Tuna Bana Lokola Boye:**

- Nani alingaki komema bana na Yesu?

(Baboti na bango.)

- Nani alingaki koboya bana wana?

(Bayekoli na Yesu)

- Ndenge nini Yesu ayebisaki ete Alingaki bana?

(Ndenge atielaki bango maboko, ayambaki bango, pe asambelaki bango Nzambe.)

- Yesu alingi nani lel'oyo?

(Alingaki bato nyonso. Alingaki ngai.)

### **VERSE YA KOYEKOLA NA BIBLE:**

*Rome 5:8*

*8 "Kasi Nzambe alakisaki 'tè alingi biso mingi penza: pamba té Kristo akufaki po na biso, tango tozalaki nanu bato ya masumu."*

*(Molakisi, sima ete bana balobi verse wana, bakoki kotia kombo na bango moko na esika na maloba oyo "biso".)*

### **Kobenga Babungi na Yesu:**

- Nzambe alingi yo. Yesu alingi yo. Azali komona yo tina. akokufa niongo ya masumu na yo nyonso. Soki ondimi Yesu nanu te, Boni, olingi kondima Ye lel'oyo?
- Yaka na ngai sima ya classe pe nakozala na esengo na kusalisa yo.

### **Banzemb'oyo Ezali Kotambola Nzela Moko na Leson Oyo:**

YESU ALINGI NGAI

YESU ALINGI NGAI

Bible elobi yango!

Bana mike nyonso,

Ya' zo pesa bango makasi!

Ee, Yesu Alingi

Bana ya Mike

Ee, Yesu alingi

Bib'le elobi yango!

YESU ALINGI BANA NYONSO

YESU ALINGI BANA NYONSO  
Bana nyonso ya mokili  
Ezala Moyindu, motane, mpembe,  
Yesu Alingi bango nyonso  
YESU ALINGI BANA NYONSO na mokili!

**Devoir Pona Bakristu:**

Soki oyebi ete Yesu alingi yo, okoki kolakisa bolingo na ye na bato mosusu. Okoki kolakisa bolingo na ndenge ozali koloba na bato mosusu, pe na ndenge ozali kosala. Okoki kolakisa bolingo na kokabola pe ya kosalisa bango.

Bana balboa ná bageste:

Nzambe Alakisi bolingo na ngai.  
Nakolakisa bolingo na bato mosusu.

**Nzembo Ezali Kokende Nzela Moko na Leson Oyo:**

SOKI OBIKISAMI

Soki obikisami  
Lobela bandeko  
Nsango na Yesu

Soki obikisami  
Lobela bapakano  
Po bango bakoyeba Yesu, pe!

**Leson 4: YESU ALINGI KOLIMBISA NGAI.**

**Histoire ya Yesu likolo ya ekuluze, Luka 23:32-47**

**Tina ya Leson:**

Na suka ya leson oyo, mwana nyonso akoyeba ete Yesu alingi kolimbisa masumu na ye. Tango azwaki etumbu wana, akomona ndenge ya kolimbisa bato mosusu oyo bapesi ye pasi na bomoi na ye.

**Verse ya Koyekola:**

Luka 24:34a

34 Yezu abondeli boye: "Tata, limbisa bango, po makambo bazali kosala, bayebi yango té."

#### **KOBANDA LESON:**

- Tomi azalaki na mawa mingi na motema. Ye pe azalaki kanda mingi. Azalaki na mawa po na basoda oyo babomaki leki na ye. Motema na ye ezalaki na posa ya mingi komona leki na ye lisusu! Abombanaki ndenge bazalaki kosakana. Akanisaki ndenge leki na ye azalaki koseka.
- Tomi azalaki na kanda na motema na ye, pe. Azalaki na kanda po ayebaki nani abomaki leki na ye, pe moto wana abikaki mboka moko ná ye. Asilikaka lisusu mbala nyonso oyo amonaki moto wana.
- Tomi alingaki te ete kanda etikala kaka na motema na ye. Epesaki ye lokola maladi. Kasi ndenge nini kosilisa kanda wana? Ndenge nini kolimbisa moto oyo abomaki leki na ye? Pasi elekaki mingi tii etondaki ye mobimba.

#### **Koteya Leson ya Bible:**

- Histoire oyo biso tokomona na Bible lel'oyo, ezali koyebisa biso pe moto oyo azwaki pota monene na motema na ye. Esalamaki te po asalaki mabe. Bomo na ye mobimba, Asali ata mabe moko te. Asalaki kaka bolamu tango nyonso. Kombo na ye ezalaki Yesu.
- Atako Yesu Asalaki kaka malamumu, bato mosusu bayokelaki ye likunia po na ye, po bato mingi balandaki Ye, pe bayokaki kanda na ye.
- Bato oyo ya likunia, bato oyo ya mabe, bafundaki Yesu po basoda bakanga Ye, kotia Ye likolo na ekuluzi, kobaka ye banzuba na maboko pe na makolo na ye, nyonso wana po Akufa.
- Miyibi mibale bazalaki likolo na Ekulusu pe—moko na loboko ya kimwasi ya Yesu pe moko na diboko na ye ya mobali. Basala mabe. Bapesa pasi na bato mosusu. Liwa ekoki na bango.
- Pe kuna, na kati-kati ya miyibi oyo mibale, ezalaki Yesu—Yesu oyo Azali malamumu, Yesu oyo Azali Elonga, Yesu oyo Azanga masumu. Yesu oyo Asalaki kaka makambo ya malamumu. Yesu, oyo Alakisaki ba histoire ya kitoko; Yesu, oyo Abikisaki ba malade mingi; Yesu, oyo Abimisaki milimo mabe; Yesu, oyo Asekwisaki bakufi. Yesu Kristu Azalaki likolo ya ekulusu pe babomaki Ye.
- Kozala likolo ya ekulusu, epesaki Yesu pasi. Babakaki ye banzube na maboko na ye, pe na makolo. Ai-yai! Balatisaki ye ekoti ya "lukumu" ya banzube na mutu na ye. Epesaki pasi mingi.

- Ebongo Yesu atalaki likolo. Abandaki kosambela Nzambe. Azalaki kosambela nini?
- Boni, Azalaki kosambela ete, “Tata, beta bango nyonso sik’oyo po bakufa!”? Bongo te.
- Boni, Azalaki kosambela ete, “Tata, nafundi bato oyo ya mabe!” ? Bongo te.
- Boni, Azalaki kosambela ete, “Tata, kolimbisa bango te ata muke po na ndenge basali Ngai!”? Bongo te.
- Yesu Azalaki kosambela Nzambe. Azalaki kosenga ete, “Tata, limbisa bango, po bazali kososola te nini bazali kosala.”
- Kaka kanisa yango! Tango bazalaki kopesa Yesu pasi na ndenge ya makasi, Azalaki kosambela ete Tata Nzambe Alimbisa bango.
- Kaka na tango oyo Yesu azalaki kosambela Nzambe ete Alimbisa bango, basoda mosusu bazalaki kobeta zeke po na kokata nani akozwa bilamba na ye. Balongoli bilamba na ye nyonso tango batiaki Yesu na ekulusu. Atikali pembeni ya motakala.
- Kaka na tango oyo Yesu azalaki kosambela Nzambe ete Alimbisa bango, bato mosusu bazalaki koseka pe kotsiola Ye. “Abikisa bato mosusu,” balobaki. “Bika amibikisa, soki azali Messie-Mobikisa ya Solo.”
- Yesu azalaki na nguya ya komibikisa. Azalaki Mwana-Nzambe. Azalaki na nuya nyonso. Kasi soki Asalaka yango, ndenge ya kobikisa biso elingaki ezala te. Soki amibikisaka, elingaki kozala na ndenge ya kolongola masumu na biso te, pe kozala Mobikisi na biso elingaki ezala te. Atikalaki likolo ya ekulusu po na biso, po tozalaki na bosenga ya Mobikisi.
- Basoda bamataki na na etagere pembeni na ekulusu po na kopesa Yesu ya komela. Kasi bapesaki Ye mayi ya kitoko te. Bapesaki Ye vinaigre! Ew! (Molakisi, pesa bana vinaigre kaka ndambu na mosapi, soki balingi, po bakoki lenda komeka yango.)
- Bato mingi bazalaki koseka Yesu. Balobaki pe, “Soki ozali mokonzi ya Ba Juif, omibikisa!”
- Moko ya miyibi oyo azalaki na ekulusu pembeni ya Yesu, asekaki Yesu pe. “Soki ozali Messie, omibikisa pe bikisa biso pe!” balobaki.
- Soki bato baseki yo, ekopesa pasi na motema. Ata moto moko te akolinga bato baseka ye! Epesaki pasi na Yesu, pe.
- Kasi moyibi ya mibale, alobaki ete, “Yesu, Nkolo, kanisa ngai tango okozala na kiti ya bokonzi na yo.” Azalaki koseka te. Asosolaki ete Yesu Asalaki mabe te. Andimelaki ete Yesu azalaki Messie lokola Alobaki.



- Yesu amonaki kondima na ye, pe azongiselaki ye ete, “Solo nazali koyebisa yo, lel’oyo okozala ná yo na Paradis, Mboka kitoko ya Tata na Ngai.”
- Tango Alobaki ezalaki pembeni na midi. Na lombangu nyonso, molili ekweyaki lokola minuit.
- Bato babeti Yesu fimbu. Babendaki suki na mandefo na ye. Babwakeli ye soyi. Babaki ye banzube na maboko na ye. Bazali koseka Ye. Bazali kotsiola Ye.
- Kasi Yesu Alimbisi bango. Asambeli ete Tata Nzambe Alimbisa bango.
- Pembeni ya quinze heures, Yesu asambelaki lisusu. “Tata, nazongisi molimo na Ngai na maboko na yo,” Alobaki. Ebongo, Akufaki.
- Mwana na Nzambe oyo ya kitoko, oyo mutuya, oyo Mosantu, oyo azangaki masumu, Akufaki.
- Moko ya basoda oyo atalaki makamb’oyo nyonso, Akamwaki. “Solo, moto oyo ezalaki moto moko malam, oyo ya elonga,” Alobaki. “Ya Solo, Azalaki Mwana-Nzambe!”

#### **Kotuna Bana Mituna Lokola Oyo:**

- Tango Yesu azalaki na ekulusu, bato basalaki Ye makambo nini ya mabe?  
(Koseka pe kotsiola ye.)
- Yesu Asambelaki ndenge nini po na bato oyo bazlaki kopesa Ye pasi?  
(Tata, limbisa bango, po bayebi te nini bazali kosala.)

#### **DEVOIR PONA BABUNGI:**

Awa na Congo, bato mingi bamoni pasi kati na bitumba oyo esalemi, pe biloko mosusu terrible oyo esalemi. Bato mosusu bamoni pasi na bamboka, pe na bobola, pe na kindoki. Kasi ata moto moko te amoni pasi koleka Yesu Kristu.

Kasi Yesu akangaki kanda na motema po na bato oyo bapesaki Ye kanda. Alimbisaki bango, pe akufaki na kimia. Atikalaki te na kufa. Mikolo misato na sima ya kufa na ye, Asekwaki, lokola Alakaki ete Akosala! Lel’oyo Azali na bomoi ya seko na seko.

Ozali na bosenga ya kolimbisa nani? Boni, okosenga Nzambe asalisa yo kolimbisa bango?

Soki okangi kanda na yo, ezali lokola ozali komema mulangi ya poison. Ezali lokola ozali komela yango muke-muke. Ekopesa yo maladi ya makasi. Elongolaka kimia ná esengo.

Kasi, tango ozali kolimbisa bato oyo bapesaka yo pasi, ezali lokola ozali kobwaka poison wana. Ezali kosala lisusu mabe te. Ekoki kopesa yo maladi lisusu te. Kimia ná esengo ekoki lisusu kozonga na bomoi na yo.

Biso nyonso tozali na bosenga ya kolimbisa bato oyo bapesa bato pasi, pe tozali ná bosenga ete bato mosusu balimbisa bato pe tango topesaka bato pasi. Biso pe, nyonso tosala mabe oyo epesa pasi na bato mosusu, pe na Nzambe na bato.

*(Molakisi, pesa bana ba papiers pe ba crayon po ba dessiner bato oyo balingi kolimbisa.)*

#### **VERSE YA KOYEKOLA NA BIBLE:**

*Luka 23:34a*

*34 Yezu abondeli boye: "Tata, limbisa bato, po makambo bazali kosala, bayebi yango té."*

#### **KUBENGA BANA OYO BAYAMBI YESU NANU TE:**

Biso nyonso na bosenga ya bolimbisi na Nzambe. Tosala makambo oyo epesaka bato mosusu pasi, kasi koleka yango, tosala mabe oyo epesa Nzambe pasi. Tango tondimi Mwana na Nzambe, Yesu Kristu, Alimbisi bato po na mabe oyo bato nyonso, pe Asokola motema na bato. Apesa bato motema ya kitoko, motema ya sika liboso na Nzambe.

Boni, ondimi Yesu Kristu? Soki oyebi te na Solo nyonso, okoki koyamba ye sik'oyo. Kaka benga Ye esika oyo ozali. Ndimasumu na yo. Yebisa Ye ete ondimelele Yesu. Senga ye Akota na motema pe na bomoi na yo sik'oyo. Zongisa matondo po na bolimbisi ya masumu na yo. Bana, osambeli ndenge wana, lel'oyo mbala ya liboso, ebongo, sima ya classe, yaka na ngai po tokoki kosepela ná ye.

#### **BANZEMB'OYO EZALI KOTAMBOLA NZELA MOKO NA LESON OYO:**

MASUMU NA YO EKEYI

Ma-su-mu na ngai ekeyi  
Yesu alongoli yo, Alleluya!

Nzambe abosani yango  
Ezali lisusu te  
Nabikisami  
Esengo! Ma-su-mu  
Nyonso ekeyi!

TOLINGANA

Bana na Nzambe  
Tolingana

Bolingo eleki monene  
Tolingana

Bana na Nzambe  
Tolingana  
Bolingo eleki monene!

Bana na Nzambe  
Tolimbisa

Limbisa bapakono nyonso  
(Tolimbisa)

Bana na Nzambe  
Tolimbisa  
Limbisa bandeko nyonso.

## **Leson 5: YESU ALINGI KOSALISA NGAI NALIMBISA BATO MOSUSU.**

Histoire: Joseph alimbisi bakulutu na ye.

Histoire oyo ezwami na Bible na: Ebandeli 37:12-28, 45:1-5, 47:1-6) Efezo 4:32

### **Tina ya Leson:**

Na suka ya leson oyo, bana bakososola ete Yesu akoki kosalisa bango pe kopesa bango makasi ya kolimbisa bato mosusu, atako na tango oyo ezali pasi mingi kosala yango. Ebongo bakobanda muke-muke kolimbisa bato nyonso oyo bapesa bango pasi.

### **Kobanda Leson:**

- Simeon ayinaki oncle na ye. Oncle na ye alobaki na ye na ndenge moko oyo ekoki te. “Ndako na ye etondi mingi—nyonso po na yango. Esika ezali te po na yo awa,” alobaki.
- “Nazwi bilei ya kokoka te,” alobaki. “Nyonso ezali po na yo. Tango nyonso esengeli nakobola bilei ná yo. Libumu na yo eleki monene.”

- “Nazali na mbongo te kofuta frais de classe na yo. Okozala ata buzoba, ata oyekoli. Classe ekosalisa yo te po yo kaka buzoba.”
- Maloba oyo epesaki Simeon pasi mingi na motema. Tango oncle na ye alobaki bongo, Simeon amonaki lokola alingaki kolela.
- Asengaki te baboti na ye ete bakokufa. Ezalaki faute na ye te ete ndako ya oncle ezalaki muke.
- Ee, oncle na ye apesaki ye esika ya kolala. Oyo ezalaki ya Solo. Simeon ayebaki ete esengeli ezala na motema ya bolingo po na yango, kasi asosolaki ete oncle na ye alingaki ye te ya Solo.
- Simeon abandaki koyina oncle na ye. Abandaki kokanisa bandenge alobaki na oncle na ye oyo ekolakisa motema wana ya kanda. Abandaki kokanisa ndenge nini akokaki kozongisa pasi na oncle, lokola oncle apesaki ye pasi.
- Yesu akolingi Simeon asala nini? Ndenge nini Yesu akolinga Simeon aloba na oncle na ye, pe asala ná ye?
- Na kati ya Bible, Boni, moto akoki komona oyo famille na ye esalaki ya mabe na ye ndenge oncle asali ye mabe?

### **Koteya Leson:**

- Ee, na kati ya Bible tomoni moto moko na kombo ya Joseph. Oyo ezali te Joseph oyo abokolaki Yesu lokola tata na boleki na ye. Joseph oyo abikaki bambula mingi liboso na Yesu.
- Tomoni histoire na ye na mokanda ya Ebandeli, mokanda ya liboso na kati ya Bible, na kati ya Kondima ya Kala.
- Joseph abikaki na tata na ye Joseph na famille monene. Joseph azalaki na bakulutu ya miabili zomi, pe leki ya mobali moko. (*Molakisi, bana bakoki kolakisa misapi zomi po na bakulutu ya mibali, ebongo mosapi moko po na leki na ye ya mobali, pe moko lisusu po na Joseph, ye moko.*) Zomi plus moko, plus moko. Bana nyonso na famille ya Jacob bazalaki zomi na mibale.
- Tata na Joseph alingaki Joseph mingi. Bakulutu nyonso, bamonaki polele ete Joseph azalaki favori ya tata, ebongo bayokelaki ye likunia. Bayinaki ye. Azalaki leki na bango, kasi bAmonaki etenge ya kosolula ná ye malamumu te. Balingaki kaka kobunda ná ye.

- Mokolo moko, Tata Joseph atindaka bakulutu ya Joseph zomi kobokolo bampate na ye. Baleki mibale ya famille, Joseph ná leki na ye Benjamin, batikalaki ná tata na bango.
- Sima ya tango, Tata akati kotinda Joseph kotala ndenge nini bakulutu na ye bazalaki.
- Tango bakulutu bamonaki Joseph azali koya, wana azalaki kaka mosika, bakulutu wana babandaki kokongisa mokano ndenge nini bakoki koboma ye.
- Solo! Bazalaki na mokano ete bakoboma leki na bango! Moto ayebisaki bango te kosala bongo. Kaka likunia etondaki mitema na bango na lolenge ete bakanisaki mokano wana bango moko!
- Mokano ezalaki ete baboma Joseph, babwaka ebembe na ye na kati ya libulu. Ebongo, bakanisaki kokosa tata na bango. Bakanisaki koyebisa ye ete nyama ya kanda ekangaki ye pe eliaki ye mobimba. Bakanisaki kolakisa tata kaka bilamba ya Joseph. Bakanisaki te ndenge oyo bakopesa tata pasi pe mawa.
- Moko na kati ya bakulutu, kombo na ye Rubeni, andimaki te mokano na bango. Ayebisaki bakulutu mosusu ete ekozala bango boboma Joseph te. Alobaki ete bakoki kaka kokanga ye, kobwaka ye na libulu, pe batika ye kuna na bomoi. Ata bango bayebaki malamumu ete esengeli baboma ye na libulu wana, ekozala te maboko na bango moko akosala yango. Oyo ezali ndenge na bango ya kokanisa.
- Ruben azalaki koyebisa bandeko na ye te, kasi azalaki koluka ndenge ya kobikisa bomoi ya Joseph. Akanisaki ete akozongisa na kobombana na sima, pe asalisa Joseph abima na libulu wana.
- Joseph akomaki pembeni na bango. Tango ayaki na bango, bango nyonso bakangaki ye. Balongolaki bilamba na ye na mutu-makasi. Babwakaki ye na kati ya libulu, ndenge Ruben alobaki. Libulu wana, ezalaki liziba ya kala oyo ekawuka na lolenge ete mayi ezalaki lisusu te na kati na yango.
- Joseph amonaki te ndenge kobima na libulu po ezalaki mozindo. Joseph alelaki. Okanisi ete alobaki nini? Mbala mosusu alobaki maloba lokola oyo: “Bandeko na ngai! Pona nini bozali kosala ngai boye? Na yé pona kotala ndenge nini bozali. Tata alingi koyeba ete bozali malamumu! Bosakani ná ngai. Sik’oyo, boya kolongola ngai na liziba oyo!”
- Kasi atako Joseph alelaki ndenge nyonso, bakulutu na ye bayokelaki ye te. Kaka bafandaki na mabele likolo ya libulu po na kolia bilei oyo amemelaki bango, lokola ete basali ye ata mabe moko te.

- Tango kaka bazalaki kolia, batala boye pe bamoni caravane ya ba commerçant bazali koya likolo na ba chameaux. Bato wana basombaki biloko ya talu to mutuya ya mokili na talo ya sé, sima bazalaki koteka yango na bazandu na ntalu ya likolo. Bazalaki pe kosomba ba espece mingi oyo bazalaki kokanisa koteka na mokili ya Egypte, awa na Afrika.
- Tango wana, kulutu moko na kombo ya Yuda, azwaki likanisi. “Likambo ya malamuni nini akomona soki abomi leki na ye?” atunaki. “Toteka ye na ba commerçant oyo. Tango nyonso, bazali koluka bato oyo bakokaki koteka lokola bawumbu.”
- Ebongo babendaki Joseph pe balongolaki ye na libulu na mabele. Mbala mosusu Joseph azalaki na esengo. Mbala mosusu akanisaki ete liseki na bango esili, pe akozonga na esengo na tata na ye.
- Kasi esalemaki ndenge wana te. Batekaki Joseph na ba commerçant wana. Bamemaki ye na mokili ya Egypte, ebongo batekaki ye azala mowumbu.
- Na bambula na sima, Joseph asalaki makasi. Amonaki tango ya esengo pe tango ya pasi. Mbala moko, babwakaki ye na boloko po Mwasi ya mokonzi na ye akoselaki makambo. Kasi Joseph azalaki kaka ya kotingama, pe sima ya tango, akomaki mokonzi na Egypte, moto ya mibale na sima ya Mokonzi monene Pharaon.
- Joseph asalaki suki na ye lokola bato ya Egypte. Alataki bilamba na ye lokola bango. Abandaki komonana lokola moto ya Egypte.
- Sima ya bambula, bakulutu na ye bayaki na Egypte kosomba bilei na tango ya nzala. Bayaki kosomba bilei na Joseph. Joseph ayebaki bango, kasi bango bayebaki te azalaki nani.
- Joseph akosala nini? Akokaki koboya kotekela bango bilei, bongo balingaki kokufa na nzala. Akokaki kokanga bango pe kobwaka bango na libulu lokola bango basalaki ye. Akosala nini? Boni, akozongisela bango mabe lokola basalaki ye mabe?
- Joseph ayebisali bato nyonso mosusu kobima na salle. Bongo abandaki kolela. Alalaki makasi, tii bato na libanda nyonso bayokaki kolela na ye.
- Joseph alobaki na bakulutu na ye, “Ezali ngai Joseph. Boni, Tata na biso azali na bomoi tii lel’oyo?”
- Bakulutu na ye bamonaki ndenge ya koloba ata liloba moko.

- Joseph alobaki ete, “Bopusana pembeni pe botala ngai malamumu. Ezali ngai Joseph, leki na beno, oyo botekaki na Egypte.”
- “Bozala na mawa te, kozala na kanda te na mayé bosalelaki ngai. Nzambe atindi ngai awa po Azalaki na mosala esengelaki nasala awa.”
- Bazongaki na tata Joseph pe bayebisaki ye ete Joseph azali na bomoi. Bango nyonso bakendeki na Egypte, pe Joseph abokolaki bango kuna na tango ya bilei ezalaki muke. Famille azalaki esika moko lisusu.
- Makambo ya mabe esuki na ndenge moko ya esengo, po Joseph akangaki te mabe to kanda na motema na ye. Alimbisaki bandeko na ye mabe nyonso oyo bango basala ye. Joseph azalaki na esengo mingi komona tata Joseph lisusu. Jacob azalaki na esengo ya komona Joseph. Bango nyonso bazalaki na esengo kozala na bilei na tango moko oyo ya nzala. Bango nyonso bazalaki na esengo kozala na famille lisusu.
- Kolimbisa ezali makambo moko ya makasi oyo ekoki kosalisa biso mingi.

#### **Kotuna Bana Mituna Lokola Oyo:**

- Bandeko ya Joseph basalak ye mabe ndenge nini?  
(Batiyaki ye na libulu pe batekaki ye kokoma mowumbu na mokili mosusu.)
- Sima ya bambula, Joseph asalisaki bango ndenge nini?  
(Atekelaki bango bilei na tango bazalaki na nzala.)
- Pona nini bandeko ya Joseph bayebaki ye noki te?  
(Akoma komanana lokola moto ya Egypte.)
- Sima kolimbisa bango, Joseph asalaki bandeko na ye makambo ya lamu nini?  
(Amemaki famille Ile mobimba na Egypte abokolaki bango kuna na Egypte po bakufa na nzala te.)
- Kolimbisa ya Joseph, esalisaki nani?  
(Esalisaki bango nyonso, pe Joseph ye moko na kati.)

#### **Devoir Pona Bakristu:**

Kolimbisa ezali kosalisa biso mingi. Ezali pasi kosala yango soki moto asali yo mabe, kasi Yesu akoki kosalisa yo pe Akopesa yo makasi ya kosala yango. Devoir napesi na yo yang'oyo: Kanisa, nani apesi yo pasi. Senga lisungi na Nzambe, ebongo na motema na yo nyonso, limbisa moto wana.

Molakisi, pesa bana papier. Badessiner moto oyo bakolimbisa. Badessiner mabe asali bango. Na sima, bakata yango biteni pe batimola libulu pe babwaka bapapier wana na kati kolakisa ete makambo wana esili.)

### **Kobenga Bana Oyo Nanu Bandimi Yesu Te:**

Yo pe ozali na bosenga ete Nzambe alimbisa yo. Bisu nyonso tosala pe toloba makambo mingi oyo ekoki te na miso na Nzambe. Nzambe ayokelaka biso kanda po na masumu na biso, kasi soki moto akondimela Yesu Kristu, Nzambe akolimbisa biso masumu wana nyonso. Yesu deja afuta niongo ya masumu wana, tango Akufaki na ekulusu. Boni, okondima Yesu lel'oyo po Nzambe alimbisa yo?

### **Banzemb'oyo Ezali Kotambola Nzela Moko na Leson Oyo:**

(Na mokanda ya "Banzembo ya Ecodim":)

Konzo Ezali

MIKUMBA NYONSO ELONGWE

Yaka na Yesu Kristu

O kotika (O limbisa, O limbisa, O limbisa bandeko, O limbisa!)

Tolingana (Bana na Nzambe, tolimbisa, Tozali famille Ile moko (O limbisa) Tozali famille Ile moko!

### **Verse ya Koyekola:**

*Efezo 4:32*

*32 Kasi bólinganaka, bosalisanaka pe bólimbisanaka ndenge Nzambe alimbisaki bino po na Kristu.*

===

SUKA YA BA LESON NYONSO ETALI 'YESU NÁ NNGAI'

===

**NB: Attention, molakisi!**



**Sik'oyo, osilisi kosalela ba leson oyo. BA LESON ya sika ezali kozela yo na Centre des Materiels, esika odefaki ba leson oyo. Mangomba mosusu pe bazali kozela kodefaka ba leson oyo po bazwa makoki ya koteya bana na bango. Sik'oyo, zongisa materiels nyonso na sachet pe zongisa nyonso na Centre des Materiels ya MCE. Merci mingi pons collaboration na yo !**